

或每人以三十金爲入攢米堂之資

有密修者雖待食於堂亦必要靜室離堂半里一里許有送供之規則在

則亦足二法者三四同志再多用二三人之力耕以取食鑿以取飲苦修行之正仙佛之所當然者後學若以此法自修亦可矣亦不必鍊誨盜之銀也切以此囑昔曹還陽真人囑予曰鍊銀真是仙術天福所關只許汝一見不許汝妄意常常爲之恐迷於射利甚喪厥志且古言不受苦中苦難爲人上人三洞聖眞無不由苦行精修者予其勉之予敬守斯誠言而亦宣言以誠後人後人其亦奉誠自勉之

道藏輯要

仙佛合宗語錄

卷

畢集二
川文士

十九問曰彼教不信長生而任其有死者必有後生

凡人之生於世間生有身矣則必有死及其死矣性靈無所依泊則必又生

抑何所爲不生於天而生於人畜願語與後學知之答曰生畜之因最多不善而貪嗔痴淫皆畜因也世尊教人戒淫爲第一事卽其故也故有序云觀其源始不離色心生滅輪迴斯爲苦本聖人超悟息駕反源拔出三界然後爲道是也

予言止此

今詳說之人若能修眾善能斷淫事淫慾

卽悟楞嚴經所謂執身不行淫而斷淫事執心不思淫而斷

淫念

所謂命根斷者乃能不受後有而生於天其已生在天者動一淫念卽墮下界况在人中淫念不轉生乎故有雖修眾善不能斷淫必受後有之身又問若受後有有得人身有得畜身分受之時抑何可以轉其畜機而生爲人乎答曰亦由自作而自受者佛藏辯意經云貞潔不犯外色男女護戒奉齋精進言外色男女者是世淫人以男女二色爲淫具意女色行淫在於身前面色行淫在於身後

故世尊戒經云不近沙彌禁男色也又云最不喜母人入我教中禁女色也

道藏輯要

仙佛合宗語錄

卷

畢集二

人以素貪身前行淫者同於人媾兼有善因必受入身前淫受之胎而爲人專念身後行淫者同於畜交兼無善因必入身後淫受之胎而爲畜人若不信但觀古云要知後世因今生作者是之說卽是世世皆有一等癡人最貪身後淫事者卽所謂一條尾千定萬定者矣入二教修者可不亟戒身後之淫哉凡人心中有此見一起卽畜機動也當機者能戒之則見此不淫見而不見而歸心於戒定而後遠離畜機

世尊云當珍重波羅提木叉是汝大師若我無異言持戒也禪宗皆言轉位回機卽此

卽業報差別經云具修十善得生欲界天若修有漏十善以定

相應

兼修禪定者

生色界天若修遠離身口以定相因生無色界天

遠離身口者卽淫機身心俱斷之義

正法念處經云持戒不殺盜淫此三善得生天如是旣生於天且不受生於人况其畜乎六祖盧能云除淫卽是淨性因誠至誠也唯禁戒精專不犯身後之淫始可滅卻畜機而爲人也談禪說道者專爲身後之樂其心於知法犯法而望不畜者必不得矣因根固結於心故也至心口不一禪道盡成誑語矣我問世人倘見此言亦肯懼戒之否又問每見宗門人言了生死不

道藏輯要

仙佛合宗語錄

卒

畢集二
入川文

入輪迴畜道又卻掃仙佛之道爲不足學彼自有法愈於仙佛果然乎不然乎願說欲聞答曰了生死者生死已無了不生不死之謂也凡人旣生有身必難得無死旣死無身必難得不生此常理之必然亦常人之不能不然者欲了生死必保得此身不死靈性常在此身中更無何性往彼受生此生死自然了矣若不能保身而至必死則性離此壞身急尋依泊必復生爲彼身豈可以今之死而冒稱爲了生死乎唯仙佛能不死而不生唯仙佛之道是不死不生之道也以其使神氣住定不相離身有寂盡滅盡定之功然後能保身不死而得不生爲眞了生死也此仙佛所說之法教人遠離惡道苦趣之說也未世邪人外

道不知寂盡滅盡定不唯不知而不能求知且又掃去禪定而不用叛卻仙佛正法極言禪定至滅盡之非指爲煩難不如已捷彼既不能滅盡定如何了得自已生死反用誑語欺哄世人害得遍世間人皆不知以仙佛正道了生死甚可痛恨也又問彼以此死爲了生死與不了生死者其差別何以爲異答曰卽是一個不了生死唯眞了生死者此身旣不死其定性靈光獨超劫運不隨壞劫而壞安有六道輪迴故六祖云性在身心存是也卽大涅槃經云入菩薩正性離生是也不離生死者平日只行世法中邪惡事而不改身死時性只如前行邪惡事亦不改然世法事原皆背卻天道的俱是六道中所爲之事爲六道

道藏輯要

仙佛合宗語錄

卷

畢集二
八十一

種子如性偏好貪暴者則同狼性之貪暴死後化入狼類如性偏好慳好狠毒者則同犬性之慳狠死後必化入犬類如性偏好淫者則同猪性之淫死後化入豕猪之類

王盤山真人亦曾說此四類

如性好毒害則同蛇虎之毒害死後入蛇虎之類不分未死已死此念不離必因此念入畜道矣只說還是在人生時一般不知已死無了人身入畜身旣不知入畜身不求脫離便成了個堅固畜身矣只有畜生的受用萬般苦楚無能脫離此所以修身心者貴於不死而不生後世也禪宗亦有高僧求投人胎者爲此凡人死後靈性所在之處卽曰生又有一等其性貪食無

厭足如餓者不捨一口與他人吃此必生於餓鬼道由生時死時皆無厭足之心故也又一等十惡重大者入地獄必矣如陽世牢獄禁之待發落之義也此皆不了生死者如是有志者豈可誤陷於不了耶故古云了卽業障本來空未了應須還宿債有人身者其思之

道藏輯要

仙佛合宗語錄

卷

卅集二